



Eksingedalen Snarkjøp
Hege Marie Lavik

Referanser:

Dykkar:
Vår: 19/1359 - 20/6027

Saksbehandlar:

Lin Tove Thomassen
lin.tove.thomassen@vaksdal.kommune.no

Dato:

07.07.2020

Sal av alkohol frå ubemanna butikk - tilbakemelding etter møte

Viser til møte hjå Eksingedalen Snarkjøp 1.7.20, samt tidlegare korrespondanse vedkomande sal av alkohol frå ubemanna butikk.

Kort samanfatta er Eksingedalen Snarkjøp ein av 8 butikkar som deltar i eit pilotprosjekt i regi av Merkur-programmet (Utviklingsprogram for butikkar i distrikts-Norge) for sal av varer frå ubemanna butikk. Utgangspunkt for vår vidare dialog er om tekniske løysinga for sal av alkohol stettar dei krava som er sett i alkohollova og forskift.

Spørsmålet er oversendt Helsedirektoratet som har meldt tilbake at dei vil trenge noko tid før dei kan kome med endeleg tilråding. I den samanheng har Eksingedalen Snarkjøp bede om å få kommunen sitt samtykke til å selje alkohol, gruppe 1, utan at butikken fysisk er bemanna, i perioden fram til det føreligg eit svar frå direktoratet.

I møtet 1.7. fekk vi ei praktisk orientering av ordninga av butikkeigar Hege Lavik og Hans Olav Bakås, ansvarleg for Mat-Norge AS, som tilbyr butikkar den tekniske løysinga. Gjennomgangen vitnar om ein veldreven butikk med eit godt teknisk opplegg, tilrettelagd for sal av alkohol skjer innanfor kommunen sine vedtekne salstider. Sensorar er plassert ved inngangen som skal reagere dersom kunde er ustø i bevegelsane og varsle eigar/tilsett via ein app. Ved betaling av alkoholvare er det stilt krav om fingeravtrykk frå kunde. Dette erstattar alderssjekk av kunde og fysisk kontroll.

Sal av alkohol frå ubemanna butikk gjev utfordringar i høve til lovverket. Alkohollova legg føringar for ansvarleg alkoholhandtering som sikrar at skadeverknader ved alkoholbruk vert så liten som mogleg, dels ved å begrense tilgang og dels ved at tilhøva ved omsetjing er så trygg som mogleg. Sal av vara skal skje etter gjeldande reglar og sal skal kontrollerast for å sjå at vilkår for løyve vert følgt.

Alkohol er ei spesiell vare og Helsedirektoratet sendte i november 2019 ut ei presisering knytt til mellom anna fingeravtrykk for butikkar som har sjølvbetente kassar med fysisk bemanning i lokalet:

Forbudet mot salg og utlevering av alkoholholdig drikk til personer som er åpenbart påvirket kan etter direktoratets vurdering ikke ivaretas ved at det alene benyttes ubemannede, tekniske løsninger i betalingssituasjonen der gjennomføring av salget skjer. Forbudet innebærer med andre ord at bevillingshaver eller dennes ansatte må foreta en konkret vurdering av hvorvidt kunden det selges alkoholholdig drikk til er åpenbart påvirket av rusmidler.

Pilotprosjektet opnar opp for sal av alkohol med fråvikande praksis frå ordinær salsløyve og prinsipielle spørsmål må avklarast vidare. Dette gjeld mellom anna: fysisk observasjon av kunde, låsing av skap, bruk av fingeravtrykk, langing og offentleg kontroll.

Vi kan ikkje sjå at nye opplysingar endrar vår konklusjon i brev datert 5.5.20 og opprettheld vårt syn om at butikken må vere fysisk bemanna ved sal av alkohol.

Verksemda har gjeve tilbakemelding om at det er driftskritisk for verksemda å kunna selja alkohol utan bemanning. Vi tilrår at verksemda ser på alternative løysingar for å løyse det driftskritiske, som t.d. å redusere eller tilpasse opningstida for sal av alkohol til å gjelde den tida butikken fysisk er bemanna, innanfor gjeldande salsløyve.

Med helsing

Åse Elin Myking
Assisterande rådmann

Lin Tove Thomassen
Politisk sekretariat

Brevet er godkjent elektronisk og har difor ingen underskrift.

Mottakrar:
Eksingedalen Snarkjøp